

NOTULE VAN BOLAND ROLBAL ZOOM VERGADERING GEHOUD OP SATERDAG, 22 AUGUSTUS 2020 OM 09:00.

1. OPENING

Stoffel open die vergadering en bedank Henry vir die daarstelling van die fasiliteit om hierdie vergadering te hou.

2. TEENWOORDIG

Stoffel Lambrechts – President

Mark Beviss-Challinor – Vise-president

Ena Linde – Sekretaris

Tom Tromp - Tesourier

Engela Lambrechts - Wedstrydsekretaris

Henry Fourie – President Overberg

Leon Meyer – President Weskus

Lorna Viljoen – President Winelands (Waarnemend)

2.1 VERSKONINGS

Geen

3. BYKOMENDE ITEMS

3.1. Raakskoot / Toucher

Ena noem dat die program wat gebruik word vir die Nuusbrief, “Publisher” is, wat deel is van die groter Wordprogram. Dit is ‘n konvensionele program en is lank in die tand daarom noodwendig *outyds* en *uitgedien*. Indien met *Raakskoot/Toucher* voortgegaan sal word, moet ‘n nuwe program aangekoop word.

Mark stel voor dat gesoek word na ‘n nuwe Redakteur vir *Raakskoot/Publisher*. Indien dit nie realiseer nie, kan die saak weer onder die loop geneem word.

3.2 Grondwet

Tom Tromp het met Stoffel gepraat oor *minor* veranderinge wat aan die Boland Grondwet aangebring moet word. Tom onderneem om hierdie veranderinge aan die bestuurslede deur te stuur sodat almal daaroor kan besin voor die AJV waar dit goedgekeur moet word.

4. GOEDKEURING VAN NOTULE

Die Notule van die Bestuursvergadering van 03 Januarie 2020 word goedgekeur. Stoffel noem dat die Notule geteken sal word sodra die lede van die vergadering weer fisies bymekaar is.

5.1 SAKE VOORTSPRUITEND UIT NOTULE VAN 03 JANUARIE 2020.

Aangesien daar geen sake is uit die notule van die vergadering van 03 Januarie 2020 nie, word hierdie punt as afgehandel beskou.

6. FINANSIES

6.1 Finansiële Verslag

Tom het die Unaudited Financials tot 31 Maart 2020 deurgestuur en Stoffel bedank hom, asook Cornel Koch vir die werk gedoen. Die netto surplus vir die jaar is bietjie meer as R71 000 (11%) wat baie bevredigend is. Tom noem dat die bedrag vir Toernooie die begrote bedrag oorskry het maar dat die uitgawes verder ten volle onder beheer was. Boland kompetisies het ‘n goeie verbetering getoon.

Tom noem verder dat daar baie min uitgawes was ten opsigte van die Staande komitees – slegs die Staande komitee vir Tegniëse beamptes het uitgawes getoon. Daar was aktiwiteite van die ander komitees wat nie gerealiseer het nie as gevolg van Covid-19.

Tom spreek sy bedenkinge uit dat te veel geld van die klubs verhaal word as gekyk word na die opgehoopde reserwes wat hy voel ongelooflik baie is vir 'n organisasie wat nie op winsbejag ingestel is nie.

Stoffel voel om in so 'n goeie finansiële posisie te wees is baie gerusstellend veral as in aanmerking geneem word dat Boland nie vanjaar sy begroting sal kan realiseer nie. Tom stem saam dat reserwes is goed maar is van mening die bedrag is vir hom die probleem.

Henry noem dat ons kostebeheer wat die ID aanbetref die laaste paar jare baie goed was. Hy voel dat daar gekyk moet word waarom die uitgawes wat Staandekomitees betref so ver onder begroting is die afgelope klompie jare. Staandekomitees voeg ekstra waarde toe tot die distrik en hulle behoort die uitgawes wat begroot word gebruik.

State soos voorgelê word algemeen goedgekeur en sal aan die klubs voorgehou word. Tom word bedank vir sy werk.

6.2/6.3 Begroting tot 31 Maart 2021

Teen einde Mei het Stoffel met info van Tom 'n begroting asook 'n hersiene begroting opgestel en deurgestuur aan die Bestuurslede. Die begroting dui op 'n tekort van R800 en die hersiene begroting op 'n tekort van R60 000, wat so deur Bestuurslede aanvaar word.

Die begroting is gebaseer op 'n normale jaar en die hersiene begroting neem die impak van die inperking in aanmerking. Daar is beplan dat ons in Januarie sou voortgaan met die speel van kompetisies wat dan ons inkomste sou laat groei. Daar is ook voorsiening gemaak dat ons al die spanne na die Interdistrikte stuur waar vlieggaste met 30% verhoog is en hopelik nie soveel meer as voor die inperking sal wees nie. Die R71 000 oorskot van die vorige jaar is nie uitbetaal nie en is teruggehou vir die goedmaak van enige tekorte in die volgende jaar.

Daar moet waarskynlik gewag word tot na BSA se AJV om te sien wat besluit word en dan kan besin word oor kompetisies tot aan die einde van hierdie finansiële jaar.

6.4/6.5 Bridging Loans

Clanwilliam benodig nie meer 'n lening nie en terwyl daar ander klubs is wat kwesbaar is, kan kroë vroeër oopmaak en spel gebeur reeds meer gereeld. Klubs het die waarde besef van reserwes wanneer onvoorsiene omstandighede opduik – en so 'n moontlike les te leer vir die toekoms. Dit wil lyk asof aansoeke vir lenings van Boland nie verder sal realiseer nie. Klubs kyk toenemend na hulle gemeenskap vir hulp wat beteken hulle vermy die las van lenings wat terugbetaal moet word.

Stoffel bedank Leon wat Clanwilliam besoek het en ook hier wil dit blyk dat hulle saam met die gemeenskap, die wa deur die drif sal kan sleep. Die Sakekamer help hulle tans en skenking is moontlik van 'n maatskappy, tesame met 'n moontlike verdere skenking.

6.6 Internal Controls Matrix

Volledige inligting hierin bevat maar Stoffel van mening dat die punt aangaande Staandekomitees deur die president goedgekeur moet word om te verseker dat eise binne perke is. Tom stem in om dit so te wysig op die matrix..

7. LEDEWERWING EN BEMARKING

7.1 Corporate Members op BSA se databasis

Henry het 'n volledige sigblad (spreadsheet) opgestel wat al die velde toon wat klubs kan gebruik om inligting op te laai. Hierdie inligting moet eers na Henry gestuur word en dan sal Henry dit na Heather Boucher stuur om “*en masse*” op te laai. Hierdie inligting is baie belangrik want dit sou

beteken dat nie alleen sou ledetalle aansienlik hoër wees nie maar sou die ouderdom van lede aansienlik jonger gewees het. Verder staan van ons klubs nog steeds die gevaar van grondonteiening in die gesig. Korporatiewe lede stoot statistiek getalle van lede grootliks op wat toon tot watter mate word die klub deur die gemeenskap ondersteun en gebruik maar transformasie word bevorder want korporatiewe lede word uit alle sektore van die gemeenskap getrek.

7.2 Ledestatistiek

Afname in ledegetalle is kommerwekkend. Klubs meld hulle verloor lede as gevolg van inperking. Klubs sal moet hard werk om lede te werf. Daar word voorgestel dat 'n skrywe aan klubs gerig word waarin hulle daarop gewys word dat die huidige inperking nie afrigting in die wiele moet ry nie. As elke klub een nuwe lid kan bykry het ons 37 meer lede.

8. WEDSTRYDSEKRETARIS

8.1 Die besluit is geneem dat ons die Pro 10 sal afhandel. Van die klubs het reeds finaliste beskikbaar. Ons kan 27 September gebruik vir die uitspeel in streke en die finaal skeduleer vir 04 Oktober. Beide hierdie datums is Sondag sodat klubs geleentheid het om Saterdag te gebruik. Name vir uitspeel moet dan op 22 September reeds beskikbaar wees. Almal stem saam met hierdie datums.

8.2 Veteran Singles / Junior Singles Finals

Daar is ook besluit om Veteran Singles af te handel en dit kan in die week gespeel word met 30 September as die datum. Instemming hieroor onder almal.

Junior Singles kan moontlik ook op 04 Oktober afgehandel kan word sodat kinders saam met Pro10 finaliste op 04 Oktober kan ry. As dit nodig is om te skuif afhangende van wie die finaliste vir die Pro10 en Junior Singles is, kan een van die datums geskuif word.

8.3 Veteran Trips

Kan in die week gespeel word met 22 September vir rondtes 1,2,3 as beste datum en uitspeel op 29 September. Finaal kan dan op 07 Oktober gespeel word. Daar sal vir verdere inskrywings gevra word – mense is honger om te speel.

8.4 Boland datums van Januarie tot Maart 2020

Klubs in die Streke moet gevra word om binne twee weke 'n aanduiding te gee van All Days wat klubs sou wou hou van nou tot in Desember. As daar oop datums sou wees kan Boland daardie datums gebruik vir Boland kompetisies, so sal druk van Januarie tot Maart verlig kan word. Die streke sal verantwoordelik wees om by klubs hierdie inligting te kry.

9. VERSLAE: SAMEROEPERS

9.1 Afrigters

Beroep dat afrigting by klubs gedoen moet word.

9.2 Tegniese beamptes

Kleinmond, Hermanus en Franskraal het 'n mekerskursus aangevra en sodra Covid.19 protokolle dit toelaat sal dit aangebied word.

9.3 Perkemeesters.

Geen kursusse in die pyplyn tot na inperking opgehef word.

9.4 Disability Bowls

Huidiglik niks om te rapporteer nie.

10. VERSLAIE: PRESIDENTE: SUB-DISTRIKTE

10.1 Overberg

Henry het 'n volledige Verslag verskaf. Het verder geen byvoegings om te maak nie. Villiersdorp speel nog nie maar wel alle ander klubs. Overberg se Bestuur bly soos verlede jaar met net 'n vakature vir die amp van Sekretaris. Fasiliteit van Zoom is beskikbaar vir streke/klubs om te gebruik – skakel met Henry sodat daar nie 'n bottelnek is wat bespreking aanbetref nie.

10.2 Weskus

Leon Meyer noem dat AJV op 24 September gehou sal word. Dit is nodig omdat DCAS 'n notule verlang. Nuwe tesourier, Karien Terblanche, sal by Tom Tromp oorneem. Envar Buys is gekanselleer. Daar is 'n moontlike 18 kandidate wat 'n afrigtingskursus wil volg.

10.3 Wynland

Lorna neem waar nadat Ristoff nie kans gesien het om langer op te tree as President nie. 'n AJV vir Wynland sou nodig wees omdat Lorna nie sal voortgaan in 2020/2021 nie. Dit is dus nodig om nominasies vir Wynland Bestuur te kry en 'n AJV is noodsaaklik. Lorna sal aandag hieraan gee.

11. Korrespondensie

11.1 BSA Omsendbriewe – totaal van 32 ontvang. Meeste van hierdie Omsendbriewe handel oor Covid en kansellaries as gevolg hiervan. Insake Omsendbrief oor Meesterstoernooie – Stoffel het lysie opgestel van Bolandspelers wat genomineer behoort te word op grond van hulle rekords. Hy vra of daar enige ander voorstelle is vir moontlike genomineerdes is. Of Meesters wel sal plaasvind hang nog in die lug a.g.v Covid.

11.1.2 Mosies vir BSA se AJV – Vraag is hoe Boland Weskaap moet inlig oor ons mening omtrent mosies? Een van die mosies gaan oor die verlenging van Rob Forbes se termyn waarvoor Boland te vinde is. 'n Verdere mosie het te make dat die venues van 2020 oorgedra word na 2021, bv. Nationals, Mixed Pairs en die 0/30 op Hermanus.

'n Verdere mosie van WP is om slegs die Ope en Juniors na Interdistrikte te stuur. Boland besluit ons stem nie hiermee saam nie alhoewel die koste aspek hier 'n belangrike faktor is. Verder sal Covid-19 steeds hier 'n bepalende faktor wees.

Boland se twee mosies om die mans en dames te verdeel in verskillende weke maak vir Stoffel sin en hy sal hierdie mosie voorlê en motiveer. Hy sal ook probeer om die ander Boland mosie dat die aantal skofte gespeel van 21 na 15 verminder word, aanvaar te kry.

11.1.3 0/30 Toernooi te Hermanus

Die Toernooikomitee wat vir die 0/30 Interdistrikte in 2020 te Hermanus goedgekeur is, is gereed om op te tree met die nuwe datum van September 2021.

12. BOLAND AJV

Dit is nodig dat die Boland AJV wel plaasvind en indien een afgevaardigde van elk van die 37 klubs teenwoordig is by die vergadering, tesame met die convenor van elke Staandekomitee, sonder prysweners en genooide gaste, sou die totaal aanwesiges binne die perk van 50 wees.

Daar word eenparig besluit dat 10 Oktober 'n geskikte datum vir die fisiese Boland AJV2020 sal wees.

13. VOLGENDE VERGADERING

10 September 2020 om 18:00 word as 'n moontlike volgende datum voorgestel. Stoffel bedank almal vir hulle teenwoordig en bestuurslede stem saam dat die Zoom vorm van vergadering baie voordele inhou en dit kan moontlik in die toekoms vir alle Boland vergaderings gebruik word.

PRESIDENT

SEKRETARIS

DATUM